



# SKIM KESELAMATAN SOSIAL PEKERJAAN SENDIRI

## LATAR BELAKANG

Skim Keselamatan Sosial Pekerjaan Sendiri diwujudkan untuk memberi perlindungan kepada individu yang menjalankan pekerjaan sendiri di bawah peruntukan Akta Keselamatan Sosial Pekerjaan Sendiri 2017 yang berkuat kuasa mulai 1 Jun 2017.

Sebagai permulaan, skim ini diwajibkan ke atas Sektor Pengangkutan Penumpang iaitu pemandu teksi, e-hailing dan pemandu bas.

Mulai 1 Januari 2020, perlindungan Skim Keselamatan Sosial Pekerjaan Sendiri telah diperluaskan kepada 19 sektor pekerjaan sendiri yang lain seperti berikut:

- ✓ Pengangkutan Barangan dan Makanan
- ✓ Pertanian
- ✓ Penternakan
- ✓ Perhutanan
- ✓ Perikanan
- ✓ Makanan
- ✓ Pembuatan
- ✓ Pembinaan
- ✓ Penjaja
- ✓ Premis Penginapan
- ✓ Perniagaan *Online*
- ✓ Teknologi Maklumat
- ✓ Pemprosesan Data
- ✓ Ejen
- ✓ Perkhidmatan Profesional
- ✓ Perkhidmatan Sokongan
- ✓ Kesenian
- ✓ Perkhidmatan Isi Rumah
- ✓ Penjagaan, Perawatan dan Pemulihan Kesihatan

Individu bekerja sendiri yang mencarum di bawah skim ini akan mendapat perlindungan bermula dari tarikh dan masa caruman dibayar serta diperakui menerusi resit bayaran caruman.

## PERLINDUNGAN SKIM KESELAMATAN SOSIAL PEKERJAAN SENDIRI

Skim ini memberi perlindungan kepada Orang Berinsurans Bekerja Sendiri daripada bencana pekerjaan sendiri termasuk penyakit pekerjaan dan kemalangan semasa menjalankan aktiviti pekerjaan sendiri.

Bencana pekerjaan sendiri ertinya kecederaan diri pada Orang Berinsurans Bekerja Sendiri yang disebabkan oleh suatu kemalangan atau suatu penyakit pekerjaan akibat daripada dan semasa menjalankan aktiviti pekerjaan sendirinya termasuk semasa dalam perjalanan yang berkaitan dengan aktiviti pekerjaan sendirinya.

Penyakit pekerjaan adalah penyakit yang berpunca atau terbit daripada pekerjaan sebagaimana yang disenaraikan dalam Jadual Kelima, Akta Keselamatan Sosial Pekerja 1969.

Skim ini menyediakan faedah tunai kepada Orang Berinsurans Bekerja Sendiri dan tanggungannya di samping menyediakan rawatan perubatan, pemulihan jasmani dan latihan vokasional.



### KELAYAKAN

- ✓ Warganegara Malaysia / pemastautin tetap tanpa mengira had umur
- ✓ Individu yang menjalankan aktiviti pekerjaan sendiri untuk mencari nafkah.



### DOKUMEN YANG DIPERLUKAN

- ✓ Salinan Kad Pengenalan
- ✓ Salinan Kad PSV / Profil E-hailing / Permit / Lesen / Sijil atau Surat Pengesahan daripada persatuan atau agensi yang berkaitan tertakluk kepada jenis sektor yang dipilih.



### PEMBAYARAN CARUMAN

- ✓ Pembayaran caruman secara tahunan atau bulanan.
- ✓ Pembayaran secara tunai boleh dibuat di semua Pejabat PERKESO
- ✓ Pembayaran secara *online* melalui <https://matrix.perkeso.gov.my> (Panduan boleh didapati pada butang "Bantuan")

### JADUAL PILIHAN CARUMAN

Kadar caruman berdasarkan pendapatan bulanan pilihan yang diinsuranskan seperti di bawah:

Pelan	Pendapatan Bulanan Pilihan Yang Diinsuranskan	Bayaran Caruman Bulanan	Bayaran Caruman Setahun
1	RM1,050	RM13.10	RM157.20
2	RM1,550	RM19.40	RM232.80
3	RM2,950	RM36.90	RM442.80
4	RM3,950	RM49.40	RM592.80



# Melindungi anda dan keluarga...

Untuk keterangan lanjut, sila layari atau hubungi  
[www.perkeso.gov.my](http://www.perkeso.gov.my) | 1 300 22 8000  
<https://matrix.perkeso.gov.my>

# FAEDAH-FAEDAH DI BAWAH SKIM KESELAMATAN SOSIAL PEKERJAAN SENDIRI

## FAEDAH YANG DISEDIAKAN :

- ★ Faedah Perubatan
- ★ Faedah Hilang Upaya Sementara
- ★ Faedah Hilang Upaya Kekal
- ★ Elaun Layanan Sentiasa
- ★ Faedah Orang Tanggungan
- ★ Faedah Pengurusan Mayat
- ★ Kemudahan Pemulihan Jasmani atau Vokasional
- ★ Faedah Pendidikan



## FAEDAH PERUBATAN

- Orang Berinsurans Bekerja Sendiri yang ditimpa bencana pekerjaan sendiri boleh mendapatkan rawatan perubatan secara percuma di klinik panel PERKESO atau klinik/hospital Kerajaan; atau
- Membuat tuntutan bayaran ganti belanja kos rawatan di Pejabat PERKESO.



## FAEDAH HILANG UPAYA SEMENTARA

- Faedah Hilang Upaya Sementara dibayar kepada Orang Berinsurans Bekerja Sendiri sepanjang tempoh cuti sakitnya yang disahkan oleh doktor dan mestilah sekurang-kurangnya empat (4) hari termasuk hari kemalangan.
- Perlu mengemukakan sijil cuti sakit.
- Kadar bayaran adalah sebanyak **RM30.00** hingga **RM105.33** sehari berdasarkan pelan caruman yang dipilih.



## FAEDAH HILANG UPAYA KEKAL

- Hilang upaya kekal ertinya hilang upaya yang berkekalan hingga mengurangkan keupayaan seseorang untuk menjalankan pekerjaannya. Tuntutan boleh dibuat selepas tamat tempoh cuti sakit.
- Kadar bayaran adalah sebanyak 90%** daripada pilihan pendapatan bulanan yang diinsuranskan.
- Contoh pengiraan Faedah Hilang Upaya Kekal (bayaran pukal) jika taksiran adalah 20% dengan faktor umur 8873 (umur bawah 20 tahun) dan kadar caruman sebanyak RM592.80.  

$$= (RM3,950 \times 90\% \div 30 \text{ hari}) \times 20\% \times 8873$$

$$= RM210,290.10$$



## ELAUN LAYANAN SENTIASA

- Elaun yang diberikan kepada Orang Berinsurans Bekerja Sendiri yang tidak berdaya dengan teruknya akibat bencana pekerjaan sendiri sehingga memerlukan layanan tersendiri oleh orang lain.
- Elaun bulanan sebanyak RM500.00.**



## FAEDAH ORANG TANGGUGAN

- Faedah Orang Tanggungan dibayar secara **bulanan** kepada orang tanggungan yang layak sekiranya Orang Berinsurans Bekerja Sendiri meninggal dunia akibat bencana pekerjaan sendiri.
- Kadar bayaran adalah sebanyak 90% daripada pilihan pendapatan bulanan yang diinsuranskan.

### Orang Tanggungan Yang Layak

- Balu atau duda dan anak berumur di bawah 21 tahun
- Jika tiada balu, duda atau anak:
  - Ibu bapa; atau
  - Adik-beradik berumur di bawah 21 tahun; atau
  - Datuk nenek
- Duda/balu, ibu/bapa, datuk/nenek menerima **faedah sepanjang hayat**
- Anak menerima faedah sehingga berumur 21 tahun atau berkahwin (mana yang lebih awal). Jika sedang belajar di IPT, anak menerima faedah sehingga mendapat ijazah pertama atau berkahwin (mana yang lebih awal)

Contoh pengiraan bayaran Faedah Orang Tanggungan kepada Isteri dan Anak.

PELAN	PENDAPATAN BULANAN PILIHAN YANG DIINSURANSKAN	PENCEN BULANAN
1.	RM1,050	RM1,050 X 90% =RM945.00
2.	RM1,550	RM1,550X 90% =RM1,395.00
3.	RM2,950	RM2,950 X 90% =RM2,655.00
4.	RM3,950	RM3,950 X 90% =RM3,555.00



## FAEDAH PENGURUSAN MAYAT

Faedah Pengurusan Mayat sebanyak **RM2,000.00** dibayar kepada orang tanggungan yang layak sekiranya Orang Berinsurans Bekerja Sendiri meninggal dunia akibat daripada bencana pekerjaan sendiri atau semasa menerima Faedah Hilang Upaya.



## KEMUDAHAN PEMULIHAN JASMANI ATAU VOKASIONAL

- Kemudahan pemulihan dan vokasional secara percuma.
- Pemulihan jasmani seperti fisioterapi, pembedahan rekonstruktif, anggota tiruan, kerusi roda, tilam khas, tongkat, *commode chair*, lampin dan lain-lain.
- Kemudahan vokasional seperti latihan dalam bidang elektrik, jahitan, membaiki radio dan lain-lain.



## FAEDAH PENDIDIKAN

Faedah Pendidikan merupakan suatu kemudahan dalam bentuk **pinjaman atau biasiswa** kepada anak Orang Berinsurans Bekerja Sendiri yang meninggal dunia akibat bencana pekerjaan sendiri atau menerima bayaran berkala Faedah Hilang Upaya Kekal dan memenuhi syarat-syarat kelayakan yang ditetapkan.

